

á generalizarse, merced á las interpretaciones, en nuestro sentir torcidas, que ha recibido la voz dicha *euskara*, llamada por muchos conceptos, á representar un papel importantísimo en la futura lingüística.

JOSÉ DE GUIASOLA.

EUSKALDUN LUR DOAITSUARI.¹

Nere barrenak gaur sentitzen du
 Poz bat samintasunean,
 Gañera pozan samintasuna
 Eziñ esan dan añean.
 Laño tartean ¿Zér agertzen da
 Nere begiyen aurrean?
 ¡Zer ikusten det! ¡Zer azaltzen da!
 ¡Zer darabiltzu gogoan!

 ¡Al!.. Bai!.. Ezautzen zaitut zeñ
 Betiko maitagarriya, [zeran
 Eta zabaltzen ari zerana
 Munduban zure argiya;
 Atozkit, bada, orain nigana,
 Atozkit doai garriya,
 Atozkit ama maite maitea,
 ¡Atozkit! ¡Euskal-erriya!
 ¡Zeñek litzaken lira batean
 Gaur zuretzako ipiñi,
 Kanta gozoak, biotzekoak
 Adierazteko denai

Esanaz: ara mendi tartean,
 Agertzendan erri ori;
 Ori da Jaunak eman ziona
 Seaskaz euskaldunai.
 Euskaldun oyek, oyek dirade
 Doayez betetakuak,
 Oyek dirade zenbait denboran
 Mundubaren gogokuak;
 Beren mendiyak, bere itsasoa,
 Errekacho ta soroak,
 Oyek dirade Euskaldun-lurak
 Dituben jostalluhoak.
 Farrez bezela agertzen dira
 Dituzun erri chikiyak,
 Agerturikan mendi zañetan
 Politasunez jantziyak;
 Bañan izanik zu ain chikiya,
 Dituzu seme argiyak,
 Azi chikitik diran bezela
 Eiten arbola aundiyak.

(1) Composicion premiada con un *corimbo de jacintos de oro* en las fiestas euskaras de Guernica y Luno, en Septiembre de 1888.

Eta bestela ara itsasoa
 Nun dagon beti esaten,
 Eta lurrean nola dizkigun
 Kondairak argitaratzen:
 Erriak onak diradenean
 Orla dirade arkitzen;
 Arrazak dira urrien gisa
 Ez diranak inoiz galtzen.

Azaldu zaite len-len bezela
 Ezer charrikan gabarik,
 Etzaitzela banatu, bada,
 Beñere ontasunetik;
 Etsai zureak ikus dezaten
 Nola Euskaldun erritik
 Jayotzen diran guzti-guztiyak
 Leyaltasunez beterik.

Artzayak nola beiratzen diyon
 Menditikan ardiyari,
 ¡Ama Euskera! beira zayozu
 Orrela euskaldunari;
 Poztu zaitezen gañera berriz
 Zure alaba danari,
 Ikusi zazun euskaraz nola
 Dioten itza aurrari.

¡Euskaldun lurra! Bizitu zaitetz
 Bizitu zaitetz oraindik!
 Beste erriyak ikas dezaten
 Zu bezelakuagandik;
 Eta gañera esan dezaten
 Geralako jatorritik,
 Aitarengatik esan zutena
 Beti semiarengatik!

FRANZISKO LOPEZ ETA ALEN.

